

ҚАЗАҚСТАН РЕСПУБЛИКАСЫ
ПАРЛАМЕНТІ МӘЖІЛІСІНІң

ДЕПУТАТЫ



ДЕПУТАТ

МАЖИЛИСА ПАРЛАМЕНТА
РЕСПУБЛИКИ КАЗАХСТАН

010000, Нұр-Сұлтан, Парламент Мәжілісі
20 __ жылғы «__» _____
№ _____

010000, Нұр-Султан, Мажилис Парламента
«__» _____ 20 __ года

2020 жылғы 6 мамырда жарияланды.

Қазақстан Республикасының
Премьер – Министрі
А.Ұ. Маминге

ДЕПУТАТТЫҚ САУАЛ

Құрметті Асқар Ұзақбайұлы!

Біздің, «Nur Otan» партиясы фракциясының және «Ақ жол» Қазақстан демократиялық партиясы фракциясының бір топ депутаттарының депутаттық сауалына себеп болған Түркістан облысы Мактаарал ауданында қызыл су салдарынан орын алған техногенді төтенше жағдай.

Баршаңызға белгілі болғандай Өзбекістан Республикасының аумағында орналасқан «Сардоба» су қоймасы бөгетінің бұзылуы салдарынан Мактаарал ауданының бір қатар елді мекендері су астында қалды.

Бүгінгі таңда ресми деректер бойынша ауданының 10 елді мекені, 800-ден аса тұрғын үйлері, 3 мектеп, 5 балабақша, 4 медициналық нысандары су астында қалып, 31 мыңдан астам тұрғын эвакуацияланды. Қазірдің өзінде, көктем кезінде еңбегі жанатын диқан-фермерлердің 7600 гектарға жуық аумақтағы дақылды егін алқабын су басты.

Мемлекет басшысы Қасым-Жомарт Тоқаев су басқан ауылдардың тұрғындарына жан-жақты материалдық көмек көрсету туралы Үкіметке тапсырма беріп, Түркістан облысының бірде-бір тұрғыны назардан тыс қалмайтынын айтты.

Президент тапсырмасын орындауда Үкімет жедел шаралар қабылдады. Апattyң алғашқы құнінен бастап өнірде жедел штаб құрылды. Үкімет жанында елді мекендерді су басу салдарын жою жөніндегі құрылған Үкіметтік комиссия залалдың салдарын жедел бағалап, инфрақұрылымды қалпына келтіру жұмысына кіріседі. Су тасқындан жапа шеккен халыққа барлық қажетті көмек көрсететініне сенеміз. Және өз тараපымыздан қабылданып отырған шараларға ұсыныс айтуды жөн санадық.

Осы орайда, Үкіметтік комиссия су алған тұрғын үйлерге келген залалды бағалауда тек үйдің салынған материалына ғана емес үйдің текше метрлік көлемі мен тұрғындар санын негізге алуын сұраймыз. Кейбір тұрғындардың өз мүліктерін рәсімдеп үлгемегендері де болады. Осы жағдайды ескеру қажет.

Жер асты суларының жақын орналасқанын ескере отырып, су басқан жерлерді бабына келтіру мақсатында дренаж жүйелерін қолдануды және қашыртқыларды іске қосу қажет деп санаймыз.

Диқандарға егінді қайта егуге қолдау жолдарын қарастыра отырып, оның ішінде ауыл шаруашылық техника, жанар-жағармаймен жедел қамтамасыз ететін және оларға егістік алқаптарда уақытша паналайтын мүмкіншілік жасау керек. Сонымен бірге, диқандармен ақылдаса отырып, қысқа мерзімде өнім беретін дақылдарды егуді және оған керекті тұқымдарды жеткізіп беруді және кейін алынған өнімнің сатылуына байланысты шараларды іске асыру керек деп санаймыз.

Қазіргі карантин жағдайын ескере келе, тұрғындарға медициналық көмек беру мәселесіне аса жоғары мән беруді жөн деп есептейміз.

Біздің, «Nur Otan» партиясы фракциясынан ертеректе жолданған бірқатар депутаттық сауалдарымызда суармалы сумен қамтамасыз ету және су реттегіштердің сын көтермейтін жағдайы туралы айтЫЛғАН болатын. Бұғінгі орын алған апаттық жағдайда олардың су өткізу қабілеттілігі төмен болғанын көріп отырмыз. Сонымен қатар, сол алқаптағы қашыртқылардың уақытылы тазаланбағаны салдарынан қоқысқа толып, жарамсыз болғаны тасыған судың өтуіне кедергі жасауы, жағдайдың өршуіне әкеліп соғып отыр. Осы ретте, су құрылымдарының жұмыс қабілеттілігін қамтасыз ету керек.

Жауапты «Қазақстан Республикасының Парламенті және оның депутаттарының мэртебесі туралы» Қазақстан Республикасының Конституциялық Занына сәйкес беруді сұраймыз.

**Құрметпен,
Қазақстан Республикасы
Парламенті Мәжілісінің
депутаттары, «Nur Otan»
партиясы фракциясының
мүшелері**

К. Ержан

Е. Бектұрғанов

М. Ерман

З. Балиева

Д. Мынбай

Ф. Қаратаев

З. Аманжолова

Ш. Өтемісов

**«Ақ жол» Қазақстан
демократиялық партиясы
фракциясының мүшелері**

А. Перуашев

К. Абсатиров

Е. Барлыбаев

Б. Дүйсенбинов

Д. Еспаева

М. Қазбекова

Е. Никитинская

**«Халық коммунистері»
фракциясы мүшелері**

В. Косарев

А. Қоңыров